
ASiantaeth Cefnffyrdd Gogledd a Chanolbarth Cymru Cydbwyllgor 16-05-16

**Cynhaliwyd am 1.30am, Ddydd Llun, 16 Mai 2016
yn Ystafell Bwyllgor 2, Cae Penarlâg, Dolgellau**

Yn bresennol- Y Cynghorydd Alun Williams (Ceredigion) (Cadeirydd),

David Bithell (Wrecsam), David Smith (Sir Ddinbych)

Hefyd yn bresennol – Dilwyn Williams (Prif Weithredwr, Gwynedd), Huw Morgan, Cyfarwyddwr Strategol (Ceredigion), Steve Parker Pennaeth Gwasanaeth (Sir Ddinbych), Geraint Edwards (Pennaeth ERF (Conwy) , Nigel Brinn, Pennaeth Priffyrdd, Trafnidiaeth ac Ailgylchu (Powys), Darren Williams (Rheolwr Gwasanaeth, Wrecsam), Dave Cooil (Pennaeth Asiantaeth, ACGChC), Ian Hughes (Rheolwr Busnes ac Ansawdd ACGChC), Lynda Humphreys (Gweinyddwr, ACGChC), Andy Stewart, Rheolwr Llwybr Ffyrdd (ACGChC).

Ymddiheuriadau: Gwyn Morris Jones (Pennaeth Gwasanaeth, Gwynedd), Paul Arnold, (Pennaeth Gwasanaeth, Ceredigion), Dewi Williams (Pennaeth Gwasanaeth, Ynys Môn), Cyng John Brunt (Powys), Cyng John W Jones (Gwynedd), Cyng David Cowans (Conwy), Cyng John Arwel Roberts (Ynys Môn), Cyng Bernie Attridge, (Sir y Fflint), Steve Jones (Pennaeth Strydwedd, Sir y Fflint)

1. Cofnodion cyfarfod 28/9/15

Derbyniwyd y cofnodion.

2. Materion yn codi

Cywiriadau i eitem 8 (i) dylai ddarllen Mawrth 2016 yn hytrach na 2015 a bydd y swyddogaethau gweinyddol yn trosglwyddo i'r Asiantaeth ar 1/4/16.

3. Datgan Buddiant Personol

Dim.

4. Adroddiad Cydbwyllgor

Rhodddwy diweddariad gan DRC.

Dyrannu gwaith i Unedau Darparu Gwasanaeth yr Awdurdodau Lleol- Adroddodd DRC bod y rhagolygon trosiant ar gyfer 2015/16 yn is na lefelau 2014/15, yn bennaf oherwydd gaeaf eithriadol o fwyn. Mae ACGChC yn adolygu lefelau ffioedd ar hyn o bryd i sicrhau bod costau rheoli a gorbenion sydd wedi'u hadnabod gan Awdurdodau Partner (AP) yn cael eu hadfer. Bydd hyn yn cael ei fonitro yn flynyddol.

Cadarnhaodd DRC bod Llywodraeth Cymru (LIC) wedi sicrhau cyllideb gyfalaf uwch oedd yn rhagweld y byddai'r gyllideb gyffredinol ar draws Cymru yn £23m yn fwy o ran cyfalaf o'i gymharu gyda'r un cyfnod y llynedd.

Gweithredu'r Achosion Busnes - Mae ACGChC wedi bod yn bwrw ymlaen gyda'r gweithrediad ac yn gyffredinol maent yn dilyn y rhaglen. Roedd y trefniadau staffio wedi cael eu trin mewn proses dau gam gyda nifer gyfyngedig iawn o swyddi nawr heb eu llenwi ac yn

destun hysbysebu pellach. Mae nifer cyffredinol staff ACGChC wedi gostwng o tua 19 gan ystyried staff Amser Llawn (FTE) sy'n rhan o'r AP yn dilyn cwblhau newid yn y model.

Gofynnodd y Cyng. Bithell am eglurhad am nifer gwirioneddol y staff.

Esboniodd DRC fod ACGChC wedi adnabod tua 60 o staff FTE oedd yn rhan o'r AP oedd yn flaenorol wedi ymgymryd â swyddogaethau'r cefnffyrdd oedd bellach wedi eu trosglwyddo i ACGChC. Roedd hyn yn ychwanegol at y rhai a gyflogwyd yn uniongyrchol gan ACGChC. Gan mai dim ond 41 o staff oedd wedi eu trosglwyddo bu gostyngiad net yn lefel staffio o tua 19.

PENDERFYNWYD:- Anfon cronoleg lefel staff at aelodau'r Pwyllgor.

5. Diweddariad ACGChC ar Archwiliad a Meincnodi Cynnal a Chadw Cylchol

Cafwyd cyflwyniad gan Andy Stewart.

Trafodwyd crynodeb o Archwiliad a Meincnodi Cynnal a Chadw Cylchol ACGChC. Roedd yn cymharu blynyddoedd ariannol 14/15 gyda 15/16.

Costau ffordd gerbydau ddeuol wedi ei ostwng o £30,000 (gostyngiad o 4%)
 Costau ffordd gerbydau sengl wedi gostwng o £180,000 (gostyngiad o 12%)

Mae'r gostyngiad cost a wnaed yn unol â'r arbedion targed y cyfeiriwyd at LIC a chyflawnwyd hyn o flaen y rhaglen a nodwyd. Mae'r broses meincnodi wedi bod yn allweddol i wella cydgordio costau ar draws bob AP.

Cyfeiriodd Dilwyn Williams at raddfeydd y sector preifat a fedrai edrych yn fwy deniadol na'r rhai ar gyfer darparu yn fewnol. Cadarnhaodd DRC nad oedd hyn yn wir ymhob ardal gan fod graddfeydd y sector preifat mewn rhai achosion yn uwch oherwydd grymoedd uwch yn y farchnad leol. Cydnabuwyd fod angen i raddfeydd y sector gyhoeddus, cyn belled â phosib, i fod yn gyson ar draws y cyfan o ardal yr Asiantaeth.

Dyweddodd NB bod angen gofal wrth ddehongli data meincnodi.

Rhodddwyd diweddariad gan y Cyng. Bithell am derfynu Contract Amey a ddaeth i ben ym Mawrth 2016 a gallu rheolaeth fewnol Cyngor Wreccsam i ymgymryd â gwaith cynnal a chadw priffyrdd ynghyd â gwaith adweithiol bach i uchafu defnydd eu gweithlu mewnol ac i adeiladu cydnerthedd yn eu tîm Gweithredu o'r 1/4/16.

Adroddodd DRC y bydd yr Asiantaeth yn adolygu adfer ffioedd unwaith fo costau alldro cynnal a chadw'r cylch 1af a'r 2il wedi eu derbyn gan bob AP.

6. Cytundeb Darparu Gwasanaeth 2016

Roedd y dogfennau diwygiedig yn awr yn darparu manyleb fanylach i'r gwaith cefnffyrdd ar draws Cymru a byddai'n gwella lefel cysondeb i ddehongli gofynion Llawlyfr Cynnal a Chadw Cefnffyrdd Llywodraeth Cymru.

Cyflwynwyd y Cytundeb Darparu Gwasanaeth diwygiedig ar gyfer Gwaith i Awdurdodau Partner ym mis Ionawr 2016 ynghyd ag Ymgynghoriaeth CDG ym Mai 2016.

Adroddodd DRC fod Gweinyddiaeth Dechnegol CDG yn sylweddol ysgafnach bellach wedi trosglwyddo'r swyddogaethau craidd ond roedd yna rai swyddogaethau gweddilliol oedd dal angen i bob AP eu gwneud.

Cynnal a chadw yn seiliedig ar wybodaeth - Dywedodd DRC fod gweithrediad yr achos busnes yma yn un o'r heriau mwyaf sylweddol yn 2016/17 a bod ACGChC mewn trafodaeth gyda phob AP drwy gyfres o weithdai. Y bwriad oedd ceisio cadw cymaint â phosib o lefelau hanesyddol o drosiant a rhaglen gytbwys o waith i sicrhau fod adnoddau pob AP yn cael eu defnyddio'n llawn a bod lefelau adfer ffioedd yn cael eu cynnal. Bydd hyn yn golygu ymgymryd â swyddogaethau cynnal a chadw a, neu gynyddu lefelau cynnal a chadw er enghraifft ar strwythurau gwaith cynnal a chadw rheolaidd.

7. Adolygu trefniadau darpariaeth Gwaith Cynnal a Chadw Cyngor Sir Ddinbych

Rhoddodd DRC ddiweddariad ar gais Cyngor Sir Ddinbych i ofyn am adolygu'r trefniadau darpariaeth gwaith cynnal a chadw a'u dymuniad i dynnu'n ôl o ddarparu swyddogaethau rheolaidd a gwaith cynnal a chadw adweithiol i Gefnffyrdd. Dymunai Cyngor Sir Ddinbych barhau i ddarparu gwaith cynnal a chadw gaeaf a gwasanaeth ymateb argyfwng y tu allan i oriau.

Trafodwyd y mater yng nghydyfarfod y Penaethiaid Gwasanaeth ar 11/5/16 a gwahoddwyd ceisiadau, yn unol â phrotocol mynegi diddordeb Partneriaeth ACGChC i ymgymryd â'r swyddogaeth cynnal a chadw uchod yng Nghyngor Sir Ddinbych, gan yr holl AP eraill.

Cadarnheir y diddordeb a fynegwyd gan bob AP arall isod:

| Awdurdod | A55 | Senglau | Dim diddordeb |
|--------------|-----|---------|---------------|
| Conwy | X | | |
| Sir y Fflint | X | X | |
| Wrecsam | | | X |
| Powys | | X | |
| Gwynedd | | X | |
| Ynys Môn | | | X |
| Ceredigion | | | X |

Cyfarfod i'w drefnu ar ddechrau Mehefin 2016 gyda phob AP a Chyngor Sir Ddinbych i frwr ymlaen i ddiwygio'r trefniadau cyflwyno.

Bydd ACGChC yn paratoi Adroddiad Opsiynau gyda chrynodeb o hyd teithiau ffordd a gwerth cysylltiedig a ragamcannir i alluogi asesu incwm ffi a chyfraniadau costau sefydledig sydd wedi eu haddasu. Y flaenoriaeth gyntaf oedd sefydlu trefniant cost effeithiol wedi ei optimeiddio a chyfrannau mwy cyfartal os oedd yn bosib fel bod pob awdurdod gyda diddordeb yn ymdrin â pheth o'r rhwydwaith.

8. Cyllid

i) Cyllidebau 2016/17 - Cafwyd diweddariad gan IKH.

Disgwylir y bydd y gwariant referniw am 16/17, heb gynnwys amrywiadau cynnal a chadw gaeaf a gwaith cynnal a chadw ymatebol, yn debyg i 2015-16.

Ar yr amod fod y lefelau ariannu yn cael eu cadarnhau gan LIC, mae'n ymddangos yn awr y bydd y gyllideb Referniw gyffredinol i Gymru tua £66.5m gyda'r gyllideb gyfalaf wedi'i gosod ar £28.65m.

Rydym yn dal i aros am gyflwyniadau cost gan rai AP sef Atodiad J (Gwaith Cynnal a Chadw).

Dywedodd IKH mai'r bwriad oedd bod pob AP yn derbyn ffigyrau dangosol ar wariant referniw a chyfalaf ymhob AP yn nechrau Mehefin. IKH i weithredu.

Codwyd mater ariannu cyfalaf ychwanegol/hwyr gan Cyng. Smith. Adroddodd DRC fod oddeutu £3.5m o gyfalaf ychwanegol wedi ei ddarparu i ACGChG yn Ionawr 2016 a bod £20m pellach wedi ei adnabod ar draws Cymru yn ystod Chwefror ond nid oedd ACGChC yn gallu defnyddio dim o'r arian hwyr yma oherwydd yr amser oedd ei angen i gaffael gwaith a'r diffyg arwynebedd ffordd oedd ar gael.

Gwnaeth Huw Morgan sylw ar fanteision posib rhaglen 5 mlynedd i waith cyfalaf. Esboniodd DRC fod y swyddogaeth gynllunio bellach yn gyfrifoldeb i LIC ac roedd yr Asiantaethau Cefnffyrdd yn darparu data cyflwr asedau i LIC. Mae LIC wedyn yn penderfynu pa gynlluniau gaiff eu blaenoriaethu, eu hariannu ac wedyn yn cael eu cyflawni gan eu Hasiantaethau. Dywedodd DRC fod y mater yma wedi ei godi yn y Pwyllgor Cyfrifon Cyhoeddus ym Mawrth 2015 gyda phwyslais cryf ar yr angen am raglen 5 mlynedd i alluogi dull mwy cost effeithiol o gyflawni gwaith cyfalaf.

9. Unrhyw fater arall

Cytundeb Darparu Gwasanaeth - rhaglen cynnal a chadw cylchol

Mynegodd y Cyng. Bithell ei bryderon am y newidiadau i'r gweithgareddau cynnal a chadw cylchol gaiff eu harwain gan wybodaeth, yn enwedig y drefn o dorri glaswellt a'r effaith ar dwristiaeth yn Wrecsam. Roedd Cyngor Wrecsam wedi cynllunio i dorri'r glaswellt ar 21/6/16.

Roedd DRC yn rhannu pryderon y Cyng. Bithell ynghyd ag aelodau'r Pwyllgor.

Esboniodd DRC fod y newidiadau yn golygu y byddai gofynion gwaelodlin Llawlyfr Cynnal a Chadw Cefnffyrdd Llywodraeth Cymru yn cael eu cwrdd a bod yr arbedion posib yn sylweddol ac roedd y penderfyniad yn awr yn nwylo LIC ac roedd yn fater ar gyfer Polisi LIC.

Penderfynwyd: Byddai'r Cydbwyllgor yn rhoi gwybod i'r Gweinidog am y pryder yma ac fe fyddai'r Cyng. Bithell hefyd yn ysgrifennu ar wahân at y Gweinidog ar ran Cyngor Wrecsam i fynegi pryderon am y newidiadau i'r gweithgareddau cynnal a chadw cylchol gaiff eu harwain gan wybodaeth a'r effaith bosib ar yr economi leol gan gyfeirio yn benodol at safle treftadaeth y byd.

10. Dyddiad y cyfarfod nesaf

Trafodwyd amllder cyfarfodydd yn y dyfodol. Cytunwyd bod dau gyfarfod y flwyddyn yn briodol ac y cynhelir y cyfarfod nesaf ym mis Tachwedd 2016 oni bai bod datblygiadau sylweddol ynglŷn â phroses adolygu'r Asiantaeth fyddai angen sylw'r Cydbwyllgor ac os hynny, byddai cyfarfod interim o'r Cydbwyllgor yn cael ei alw.

PENDERFYNWYD: Cynhelir y cyfarfod nesaf ym mis Tachwedd 2016. Bydd dyddiadau yn cael eu cylchredeg i'r Aelodau.

Ar ran y Cydbwyllgor, diolchodd y Cynghorydd Alun Williams i'r swyddogion am eu gwybodaeth a'u cyngor yn ystod y cyfarfod.

Dechreuodd y cyfarfod am 1.37pm a daeth i ben am 3.00pm.
